

宋詩紀事小傳補正

宋詩紀事小傳補正卷一

歸安陸心源伯剛甫纂

卷一

蘇德祥

益都人漢相禹珪之子建隆四年進士第

一人登第初還鄉里太守置宴以慶之

澠水燕談錄

趙文度

薊州漁陽人入洛舉進士本名宏歸宋以

犯宣祖廟諱改今名授檢校太傅安國軍節度

徙華州又徙耀州年六十一卒有觀光集見宋

史四百八十二北漢世家

何承裕

字仕進晉天福末擢進士宋開寶三年自

涇陽令入爲監察御史累知忠萬商三州太平
興國中卒宋史四百三十九附趙隣幾傳

賈玘 字仲寶滄州南皮人晉天福三年進士解褐
宋初爲刑部郎中終水部員外郎知浚儀縣年
七十卒宋史二百六十五附賈黃中傳

師顏 字霄遠大名內黃人建隆二年舉進士官至
殿中侍御史召爲翰林學士年六十七卒著有
文集十卷宋史二百九十六有傳

李若拙 字藏用京兆萬年人太宗時官浙江轉運

使

見浙江
通志

韓溥 周顯德初舉進士宋開寶三年自靜難軍掌書記召爲監察御史三遷至庫部員外郎知華州同判靈州淳化二年被病辭職善筆札人多藏其尺牘宋史四百四十有傳

安鴻漸

爲教坊判官

玉壺清話

柴成務 字寶臣曹州濟陰人太宗時官浙江轉運使宋史三百六有傳

張觀 字仲賓常州毗陵人南唐登進士入宋爲彭原主簿召拜監察御史充桂陽監使獻所業文賜進士及第終廣南西路轉運使年五十三卒

於桂州宋史二百七十六有傳

孟貫 後周建安人字一之仕周以禮義文章節儉

見重於時

萬姓統譜

卷三

曹衍 周行逢據湖南衍教授鄉里後張文表辟爲

幕職入宋授匠作監丞著有湖湘馬氏故事

十國

春秋

何蒙 太宗時知溫州

鄭起 字孟隆不知何許人周舉進士爲右拾遺直

史館宋乾德初出掌泗州市征爲刺史張延範

所劾出爲河西令會蜀平當徙遠官起不欲往
乃炙烙其足因是成疾而卒宋史四百三十九
有傳

王承衍字希悅開寶中授開廐使纔十二歲太平
興國中出監徐州軍雍熙中知天雄軍大中祥
符初進秩東上閣門使表求解職不允改左武
衛大將軍知壽州卒年四十九宋史二百五十
有傳

陳文顥福建興化軍仙游人以父洪進蔭房州例
史八閩通志開寶年任泉州右散兵馬使衙內都指

揮使復署行軍司馬

泉州府志

穎贄 善爲文章拔萃登科見宋史鄭起傳

宋溫舒 京兆長安人周舉進士官職方員外郎宋

史二百八十七附宋湜傳

李頌 知廣東韶州軍州事

廣東通志

許道甯 河閒人

一作長安人工畫

陳省華 端拱三年進士初仕孟景爲西水尉歸宋

召爲太子中允景德初判吏部銓權知開封府

轉光祿卿年六十八卒贈太子少師宋史二百

八十四附陳堯佐傳

卷四

潘若冲 楚人先事馬氏

王周 明州人祥符五年進士慶曆中司封郎中知

明州

四明圖經

李拱 江西袁州人慶曆六年進士

趙復 四川成都人寶元元年進士

陳詒 字天經福建人大中祥符元年進士天聖初

同知太常禮院遷祠部員外郎出知祥符縣爲

治嚴急不少假遷三司戶部副使兵部員外郎

卒累贈兵部尚書

八閩通志

補正一
四
劉少逸 淳化二年以童子賜進士第

張秉 字孟節歙州新安人景德時仕終樞密直學士知相州宋史三百一有傳



郭震 以詩名號漁舟先生淳化四年詣闕上書言

蜀將有變未幾順賊作亂先生留中原不歸無

子李畋序其事

四川通志

呂文仲 字子臧歙州新安人南唐舉進士入宋爲

翰林侍讀直御書院後爲御史中丞嘗使高麗清潔無所取後高麗使至輒詢其出處稱爲君

子云宋史二百九十六有傳

呂祐之 字元吉濟州鉅野人太平興國初舉進士
歷知襄壽昇州累官工部侍郎翰林侍讀學士
年六十一卒著有集三十卷宋史二百九十六
有傳

楊允元 四川縣州人允恭從弟李順之亂允元及
兄允升率鄉兵力破之詔授允元大理評事縣

竹令

四川通志

李度 周顯德中舉進士入宋直史館借太常少卿

使交州未至卒

萬姓統譜

凌景陽 涪化中度支員外郎知明州四明圖經慶曆七年以都官員外郎知漳州

卷六

劉隲 湘鄉人雍熙二年進士官潭州教授祕書丞

直集賢院

朝陽巖
石刻

鮑當

至道年職方員外知明州

四明圖經

真宗時知慶

元仁宗時知衢州景祐四年職方郎中知湖州
五年三月卒于任

戚維

字仲本仁宗時爲隨州書記著有集二十卷

萬姓
統譜

錢丕 字簡之雍熙中倣上言欲求舉進士太宗以
其世家子特召試內署授祕書丞嘗知新淦縣
又知衡州宋史四百八十附錢俶傳

卷七

青陽楷 四川潼川人天聖八年進士

畢世長 字从古又字夷仲士安之長子累官太子
中舍天聖五年以虞部郎中出知台州至衛尉
卿

卷八

黃康弼 官將仕郎試祕書省校書郎守越州會稽

縣主簿

會稽掇英續集

李湛

蘇州人咸平二年進士

方仲荀

江南志誤作仲詢

安徽歙縣人咸平年進士

陳綱

字舉正泉州同安人淳化三年進士官建州

觀察推官故事歲春夏閒率丁夫數萬爲採茶之役綱以爲奪民時勞民力奏請以北苑園供御之外餘皆賦民收其租入在民者復定其值償之詔如所請建民德之累官淮南江浙荆湖

制置發運使

建寧志

王初

建安人天聖二年進士

卷九

王達

康定中以祠部員外郎知池州慶歷元年知

福州四年移揚州

三山志

余弼

浙江會稽人治平二年進士

曹汝弼

以子矩贈殿中丞燎黃之夕芝產瑩上郡

上其事以所居爲忠孝鄉孝芝里

新安文獻志

卷十

李敞

字渭卿蜀之耆儒

呂陶淨德集二十五

自號谷子少師

任奉古以著述爲志不樂仕進爲張乖崖所器

少日一出應廷試後隱居永康軍白沙山從學

者眾任中正薦乞賜處士之號詔爲試校書郎
凌策又薦之授恆甯主簿國子監說書改大理
丞知泉州惠安縣久之以先所著未成再乞國
子監說書以修其業撰孔子弟子傳讚六十卷
上之得知榮州澠水燕時爲國子直講諸生晨
謁見咬巾角火起是日報除榮州後還朝力言

榮州鹽害得蠲歲額三十萬勅還雜役三百一

十五家

舊通志

撰道德疏二十卷張乖厓語錄二

卷谷子三十卷歌詩雜文七十卷年九十

燕談錄

王景

江西廬陵人嘉祐三年解試

黃珀

一作珀

福建邵武軍人天聖八年進士官屯田

員外郎

八閩志

姚渙

字虛舟普州人第進士監益州交子務知峽

州徙知涪州終光祿卿年六十七卒宋史三百

三十三有傳

田瑜

字覺中河南長安人舉進士

宋史本傳

皇祐辛卯

右諫議大夫充天章閣待制知廣州

南海廟潘美碑陰題

名

高惟幾

睢陽人官澤州判官

澤州志

段全

泉州晉江人咸平五年以將仕郎任仙游尉

多學能文以興學校爲首務作孔子廟扶植風
教邑人慕之

萬姓統譜

卷十二

彭應求 端拱二年進士

章修 建州建安人大中祥符八年進士

八閩志

王尚恭 洛陽人官少卿

邵堯夫集

司馬溫公傳家集有

和王安之四絕和喜雨和久雨用韻南園爲真
率會依韻和二絕和題獨樂園諸詩

卷十二

馮行已

熙甯五年由客省使文州防禦使遷知雄

州通鑑長編二

洛邊舊有鄉巡弓手役悉廢罷

而北界巡馬如故數踰界河剽取舟船行已請

復置鄉巡弓手以杜侵漁之端上手詔嘉納七

年權同勾當三班院二百五十七元祐六年卒于金

州觀察使四百五十四

陸軫 大中祥符五年進士仁宗時知紹興府慶元

府睦州軍景祐中福建轉運使慶厯中工部郎

中直史館知明州

魯交

累官殿中丞

澹齋集

屯田員外

趙清獻有送魯交屯田赴闕詩

朱公綽 字成之長文父也少從范文正學爲時名

儒景祐四年自祕書省校書郎爲鹽官令勤宣

惠澤究察民瘼建鹽法損菱輸省茶稅清田畛

首稱循吏寶元元年權本州書記歷知彭城縣

廣濟軍仕至光祿卿知舒州

樂圃遺稿海甯州志張景修樂圃墓

誌姑蘇志進士表海甯重建公宇記

滕涉

知白子爲給事中

宋元學案

周鏞

浙江龍泉人皇祐五年進士知府

曾諤

浙江新城人

一作福建泉州人

熙甯六年進士

郭亢

浙江諸暨人政和二年進士

張唐卿

字希元青州人有辭學履行通判陝州民

母再適人而死及葬其子盜以歸與父同葬有
司請如法唐卿權郡事曰是知有母不知有法
爾釋之而聞於上年二十八嘔血而卒

楊諤

嘉祐二年瀘州軍事推官

三沈集

葛密

江陰人嘉祐進士以承議郎知泉州清溪縣
請老賜五品服退居青溪之上湖號草堂逸老

輿地紀勝贈通議大夫

葛丹陽集清孝行狀

元積中官知福州司封郎中直龍圖閣元豐元年

坐廖恩驚劫措置乖失落職

長編二紹聖二年

知宿州

長編二
百十二

董淵

德興人慶歷三年進士

通志

劉嗣隆

天聖九年以屯田郎中知台州

赤城志

卷十四

柳應辰

字明明先籍青州五季避地荆楚遂爲武

陵人

沅州著
舊集

累官公安知縣屯田郎中所居有

默菴留客滿

劉忠
肅集

卷十五

林億

官職方員外郎

政和證類
本草序

朝奉郎守太常少

卿充祕閣校理

備急千金
方署銜

嘉祐二年置校正醫

書局與掌禹錫蘇頌等並爲校正醫書官

麟臺故事

與高保衡孫奇等同校素問脉經千金方等書

熙甯中累官朝散大夫守光祿卿直祕閣判登

聞檢院上護軍

外臺祕要

柳瑾 吳人善草書嘗監酒稅黃庶伐檀集有和柳

子玉官舍十詠和子玉病起遊書齋詩

毛維瞻 字國鎮衢州江山人

浙通志

一云富川人天

聖二年進士

廣西通志

官開封府推官度支郎中熙

甯八年以上殿劄子誤用字罷爲提舉洞霄宮

長編二百六十九元豐三年朝請大夫知筠州

江西通志政

平訟理適蘇子由謫監酒局交歡吟詠有斷句
云能詩落紙一城傳啟我疏燕豈足編他日杜
陵詩人裏韋迢畧見兩三篇子由贈詩云才方

有餘嫌事少風情無限覺詩多

瑞州府志

後知潮州

廣西通志趙清獻集有寄筠守毛國鎮大夫次韻毛

國鎮度支過杭同游烟霞洞白雲莊三詠題懶
歸閣次韻溪菴各詩

向宗道

字元伯河內人敏中曾孫

黃庶伐檀集

熙甯中

職方郎中知遂州三年都大催造廣濟河輦運

句龍緯

仁壽人官職方郎中劉忠肅有題句龍緯

海棠軒詩

卷十六

裴煜

江西臨川人慶歷六年進士嘉祐中爲禮官

詳定祠禮官至翰林學士文辭博正與歐陽修

梅堯臣王安石劉敞酬唱甚密

江西人物志及歐王梅劉各集

許當

晉江人天聖八年進士自古田令入爲職方

員外郎乞通判本州以便養歷太常少卿知興

化軍歷漳建汀三州皆有惠政

福建通志

張去惑

景祐初平江節度推官秋蘇有水災去惑

分捍水道論功除將作監丞

元憲集外著佐制參盧志

郎祕書丞六一集通判甯州文正集范舉奏在

京權貨務戶部判官刑部員外郎皇祐五年為

賀契丹國母正旦使長編百七十五

胡楚材 字公喬歷授廣德儀真判官調嘉興幕以

剛直忤權貴官至校書郎遂退居不仕以琴書

自適

卷第七

句士良 新繁人官至朝散大夫費著氏族譜

丁偃 吳縣人嘉祐四年進士

王沖 字景儒其先自太原遷宋居虞城祥符中舉

詞學服勤成進士試校書郎知興國軍永興縣
武昌軍崇陽縣天聖初改著作佐郎知壽州霍
邱縣越州會稽縣康定初祕書丞通判乾州華
州擢知乾州遷太常博士知洋州遷屯田員外
知泰州改職方領南京留司御史臺嘉祐元年
卒年六十八冲于時人鮮所合范文正特知之

數薦于朝喜屬文尤長于詩詩凡千餘篇

公是集王

君墓志

霍交

官運判趙清獻有送霍交運判回轅及題霍

交瞻岷閣詩

邢夢臣

仁宗時累官祕書丞

胡宿文恭集

度支提刑

趙清

獻集

劉孝孫

簡州陽安人熙甯五年都官員外郎爲御

史三司起請市易十三條其一云兼井之家較

困取利有害新法令市易務覺察申三司按置

以法御批去此條孝孫言于此見陛下之仁且

請約束市易務

長編二百三十一

試太學生大學十道

分兩場從之

二百三十一

又言二蜀習俗柔良請依

舊便宜行事

二百三十九

六年言知開封府元絳決

獄多徇私情又言張燾不奉詔條不忠先帝當

官貪墨在成都日郡吏李孝寬嘗作忠孝書責

之燾不能荅

二百四十三

七月丁母憂以鄧綰言賜

錢百千

二百四十六

子涇宋史文苑有傳

卷八

陳詵

一作

福建晉江人景祐元年進士

張徽

字伯常熙甯初知福州

張公庠

熙甯中著作佐郎元符三年五月以朝議

大夫尙書都官員外郎知晉州改蘇州

姑蘇志

馮浩

刑部郎中充集賢校理三司度支判官

沈邁西溪

集

嘉祐三年官提點利州路刑獄都官郎中坐

前知華州失入劫囚吳義等十六人死罪降知

商州

長編一百八十七

王霽

山西澤州人獻可子官太學博士

淨德集三十六

馮介

新繁人慶厯進士

楊希元

鄭州管城人官中散大夫元祐二十七年

卒

苑邱集張夫人墓誌

范忠宣集有題希元南軒詩

張湍

浙江歸安人崇甯二年進士

薛璘

熙甯三年提點成都府路刑獄

長編二百十八

呂陶

字元錫成都人宋史三百四十六有傳

王吉

南城人元符三年進士

周圻 江山人少與趙抃友善抃嘗稱其爲天下士

萬姓統譜

安昌期 廣西恭城人

趙揚

嘉祐進士

浙江通志

熙甯中通判潭州官至祕閣

校理湖北轉運使

金石萃編

卷十九

鄭炎 天禧元年官惠安縣

陳侁 卽陳詵之誤

卷二十

張鑄 晉陵人祥符中進士歷知四郡五任漕憲皆

有政聲嘗帥南陽王安石出其門後以光祿卿

致仕

統譜

張獻民 江南和州人皇祐年進士

陳若拙 字敏之盧龍人太宗朝知處州

卷之十一

田開 廣西恭城人慶歷六年進士隆興守嘉祐三
年知封州愛民重士興學勸農去任民懷其惠

吟詠甚富

廣西廣東通志

卷之十一

張芻 甄人浩孫也長編父牧澶州人芻補江州司戶

參軍遷餘杭令文潞公宣撫河北表芻從軍貝

州平遷國子直講同知太常禮院史館檢討議

溫成后園寢不合監潭州酒務

長編一百七十六云至和元年

太常博士史館檢討張芻落職監潭州稅歲餘通判揚州除祕閣校

理知登州召爲羣牧判官開封府推官淮南轉

運使集賢修撰知密州陳州拜諫議大夫安撫

京南路知鄧州徙知應天府兼南京留守元豐

三年卒官年六十六

沈括長興集張公墓誌

劉祕 福建興化軍莆田人元豐二年進士烏程縣

丞

李頤 福建龍溪人紹興十八年特奏名贈朝議大夫

朱伯虎

元祐八年廣東轉運使元符三年江東轉

運使

長編五百十六

袁默

字思正官至湖北轉運判官學問淵深爲時

所宗

萬姓統譜

邵忱

浙江永嘉人嘉熙二年進士制置參議

張頌

開寶閒守桂州



李中師

其先博平人徙內黃景祐元年進士累官

大理寺丞知鄆陵縣遷太常博士轉祠部員外郎淮南轉運使英宗卽位除天章閣待制判吏部流內銓神宗卽位遷給事中留守西京

祠部集

爲龍圖閣學士中師前知河南府時朝廷初令民出錢免役中師率先諸州推行富弼告老家居中師籍其戶等第與富民均出錢希司農意旨多取寬剩比它處獨重洛人怨之中師頗厚給中人庚辰召入爲羣牧使先是河南北置監牧使分典國馬中師言養馬費重請罷所置使而養馬于民不報其後卒廢南北兩監牧罷使

者長編二百四十一

權開封尹熙甯八年卒年六十一

祠部

陳大雅

象山人性慷慨調恤親族里黨空乏無少

斲長於詩趙清獻深器重焉

張洵

字仁仲浚儀人廉訪使者臨桂屏風山有宣

和甲辰八月題名

廣西通志金石畧

尙用之

字仲明江都人宣和甲辰任廣西提點刑

獄後寓桂林之東石佛眞教二寺南來士夫樂

與之游喜獎勸後進卒葬興安子孫占籍于桂

粵西文載參屏風山題名

呂源

字成之晉江人宣和四年朝請郎提舉廣西

常平

廣西通志金石畧劉仙巖題名

惠卿姪升卿子以父蔭入

官傾貲賂梁師成無何出帥廣西靖康中添差

江淮等路制置發運使奏請量添六路酒稅以

爲造船費民不勝其擾金人犯泗州源遣人收

淮北舟船泊南岸焚浮橋而遁事聞除名紹興

中年秦檜相與檜善復朝奉大夫終廣西轉運

使

福建通志

李彥

石刻作三異李昇之

葉宗嚮

石刻作邵武葉宗嚮

蔡準

景祐元年進士歷官都官郎中終侍郎徙居

杭州錢塘

葛閣

字子容建德人天聖五年進士爲大理評事

知信州上饒縣徙知蒙州轉殿中丞太常博士

通判常州歷尙書屯田都官職方三曹員外郎

中召試恩除知江陰軍以治最知潤州遷太常

少卿光祿卿連知潭台二州致仕熙甯四年卒

年七十嘗進治安策廿五篇忠言十卷

嚴州圖經

許安世

字少張

清波雜誌

熙甯八年坐以鉞龍刀遺李

士甯詔持服人太子中允集賢校理許安世服

闕與小遠處簽書判官服闕簽書濠州團練判

官續長編二改梓州路轉運判官元豐二年權

發遣夔州路轉運判官坐奏蠻乞弟打誓不實

致殺鄧質王宣降一官三百權郾州觀察推官

五年爲著作佐郎集賢校理檢正中書吏房公

事三百三十一

楊怡

四川志
誤作恬

四川潼川人治平四年進士

費琦

字孝琰成都人皇祐中進士調興元府戶曹

參軍遷合州赤水令改祕書省著作佐郎知定

州安喜縣歷都官員外郎通判綿州

淨德集
二十四

王詵

熙甯十年以駙馬都尉慶州刺史爲絳州團

練使

長編二百八十三

蜀國長公主下嫁詵詵侍主疾

與婢姦主旁婢數抵戾主有後言詵復與應和
及薨乳母訴之上命有司窮治婢八人皆決杖
配審務車營兵主旣葬詵奏待罪上批詵內則
朋淫縱欲失行外則狎邪罔上不忠長公主憤
愧感疾弗興皇太后哀念累月罕御玉食職詵
之辜義不得赦可落駙馬都尉責授昭化軍節
度行軍司馬均州安置

三百四

旋以右監門衛將

軍穎州安置元豐八年免安置許在京居住三百

五十六元祐元年復登州刺史駙馬都尉三百八十七

八年敘文州團練使四百八十

章峴 浦城人兄岷弟崑峴天聖八年進士歷知太

平州婺州 治平丁未太常少卿石刻臨桂雉山題名

薛唐 多材好古以子明龜贈朝議大夫鄞縣志

錢信 浙江臨安人後周時官婺州刺史浙江志

劉淑 元祐五年自知宿州移蘇州 年六月爲祠

部郎中 年言者追論不受理章惇田事罷

王仲敏 案王珪王琪王瓘之子皆以仲字行疑仲

補正一
三
修弟兄也

崔靜 治平中權同提點廣西刑獄

卷三十五

季奉世 名承之字奉世其先趙郡人後徙幽州登
進士第調明州司法參軍熙甯初以爲檢詳文
字官至樞密直學士知青州歷應天府陽陳鄆
揚州而卒宋史三百十有傳

韓宗文

維子

鮮于綽韓
維行狀

光祿丞未試而卒以孝聞

藥城集
二十九

蘇棧 同安人與兄頌袞同試進士嘗獲高薦不第

以蔭補官熙甯三年自虞部員外郎除祕閣校
理召試入等爲祕書郎同知太常禮院

閩通志
參續長

晁端佐 清豐人

毋沆 累官提點河東刑獄尙書都官員外郎司封

郎中

韓維南
陽集

熙甯四年陝西轉運使太常少卿

權知延州五年呂大防新知華州沆子娶呂大

防女沆乞避親知涇州

長編二
百廿九

沆卒韓維挽之

以詩云早接英豪論聞君伯仲賢高談諸老屈
懿行一鄉傳處順甯違俗求歸不待年終南山

色好長到酒尊前范忠宣集有母湜當卽其弟

胡宗師

武進人嘉祐進士熙甯四年自著作佐郎

爲審官院主簿

長編二百廿八

七年提點江浙等路坑

冶鑄錢言信州鉛山縣銅坑發已置場冶乞借

江東提舉司錢三十萬緡以鑄新錢息二分還

福建二浙有銅坑處準此戶部言宗師言皆可

推行詔借江東提舉司錢十五萬緡以所鑄錢

還所乞福建二浙借錢不行

二百五

元祐六年自

江南東路轉運副使爲戶部員外郎

四百五十七

八年

年出爲成都路轉運副使

四百八十一

元符二年以

朝請大夫光祿卿爲直龍圖閣知鄆州

五百言

差夫五等之法

五百

徐彥孚

江蘇吳縣人熙甯三年進士

通志

知衛州黎

陽縣嘗言青苗息錢可用常平法聽民非時吉

凶匱乏用抵保 貸立期輸官不報又言保甲

逃亡恐積以歲月寢虧本額乞立責正長法元

豐七年以奉議郎提舉荆湖北路常平

長編

元

祐中爲澶州通判

欒城集

元符元年以戶部郎

中乘驛往秦州與慕容將美勘鍾傳虛上首級

長編二年權發遣陝西路轉運副使尋改右司

郎中

五百五

三年權戶部侍郎

五百十九

旋以顯謨閣

直學士知太原制曰朕輟中臺卿貳出領方面
兵民所寄眷任匪輕朝散大夫試尚書戶部侍
郎徐彥孚夙以才猷揚歷華要比還民部亦旣
閱時迺睠全晉之雄爲國屏翰總護諸將務壯
中權選于在廷爾往惟允仍陞禁直式遄其行

尚懋爾忠勿替朕命可前件

摛文堂集五

吳師孟

成都人第進士官至左朝議大夫王安石

當國謂師孟同年生也自鳳州別駕擢爲梓州
路提舉常平倉兼農田水利差役事師孟疏力

言新法不便甯罷歸故官後知蜀州又論茶法
害民繼謝事去蘇文忠軾刺新法書有曰吳某乞
免提舉如逃垢穢至言茶病民以矯矯六君子
稱之師孟其一也子緝

晁端禮

清豐人嘗官泰甯軍節度推官知大名府

莘縣坐以官錢貸進士闔師道請求豫借保甲
錢買弓箭爲提舉保甲司所劾追三官罰銅二
十觔勒停千里外編管

長編三百四十九

晁端受

仲衍子

華陽集晁仲衍墓志

晁端彥

仲衍子華陽人嘉祐四年進士

曲洧權發舊聞

遺開封府推官

長編二百三十二

熙甯初以都官員外

郎提點淮南東路刑獄七年徙兩浙路

二百五十五

言常州違法給蔣鞅官地鞅乃前兩浙轉運副

使俞希旦壻之總麻兄詔轉運使劾罪以聞

二百

五十初提舉常平韓正彥罷歸道遇體量安撫

使沈括自首與端彥及轉運使張覲王庭老等

違法赴杭州同天節豫教妓樂燕會至是與潘

良器並衝替待鞫于潤州

二百七十五

元祐元年以

司動郎中爲賀遼國正旦使

三百八十五

四年爲左

司郎中

四百三十

轉右司端彥論議不阿呂丞相尤不

喜異說端彥議罪有必罰賞有必與前後十數
上丞相以七十而仕者不得任子論立法端彥
曰任其力受其責獨不得從其所厚耶執不可
蔡新州故吏訴吏部不錄前所受責端彥曰有
格在吏部非是可錄之丞相以手指蔡新州姓
名示端彥曰如此二字何且笑謂右司敢乎端
彥正色對曰敢丞相滋不悅會李端稟疾不起
端彥曰吾可以去矣尋乞補外拜江淮荆浙發
運使

盛陶彥墓志

又以左朝請大夫祕書少監出

知陝州

曲洧舊聞

補卷七

李永 案永熙陵太宗陵名春明退朝錄李南陽永
熙陵挽詞云云時稱佳作屬誤以永爲人名當
改李南陽入闕名

補卷十一

王謹言 益恭子太原人祖曙始居洛陽治平二年
駕部郎中

男樹藩校字

宋詩紀事小傳補正卷二

歸安陸心源伯剛甫纂

卷二十六

崔嶧

長安人真宗時通判鳳翔府都官員外郎

元憲

集

至和二年以給事中受詔按治陳執中縱嬖

妾殺婢事

長編一百七十八

嘉祐初以龍圖待制知慶

州二年徙知同州以諫官言嶧年高非治邊才

也一百八十六六年正月自工部侍郎集賢院學士

知鳳翔府移知河中府嶧所至貪汚比老益甚

在鳳翔轉運使薛向按之急不得已移河中未

幾以刑部侍郎致仕一百九十二

李孝博 爲永興軍秦鳳路提舉折納元豐元年以

違法令民折納詔具析以聞長編二百九十一尋權發

遣永興軍等路常平二百九十四元祐七年爲都水

監南外丞四百七十六紹聖四年爲大理寺少卿坐

斷遣失當罰銅二十觔

張師正 登進士第換武爲遙郡防禦使臨漢隱居詩話嘉

祐四年知宜州長編百九十

劉叔贛 案劉放字叔贛誤分爲二

張唐民 青州人召試成進士兄唐卿唐輔亦進士

唐民嘉祐四年祕書丞

武溪集

熙甯五年以權提

點成都府刑獄提舉保甲

長編二百三十五

元豐三年

以兵部郎中權判都水監

三百二十二

請復黃汴諸河

歲差修河客軍九千人額都大提舉游田司請

以雍邱縣黃西等十棚牧地爲莊田從之

三百五

李師德

元祐中國子監丞八年爲梓州路轉運判

官編

李階

字晉祖

八閩通志作正祖閩書作進祖今依春渚紀聞

福建人深子

崇甯二年禮部省試第一旣廷對會安惇之兄

忱以特奏名對策言使黨人之子魁多士無以

示天下遂奪出身遇赦敘復調楚州鹽城縣尉
建炎初攝臨安府比較務州卒陳通作亂脅階
叛階叱之遂遇害事聞贈右承事郎與一子官

入閩
通志

卷二十七

林迥

元豐二年進士

福建
通志

俞充

字公達鄞人登嘉祐四年進士熙甯三年以

著作郎編修中書條例累遷都檢正集賢殿修
撰都提舉市易司及在京諸司庫務宰臣王珪
知上欲伐夏國元豐元年八月奏爲右正言天

章閣待制知慶州環慶路經略安撫使環州有
田與夏相錯委而荒之充檄所部以時耕種虜
不敢犯屬羌山夷嘯聚背叛充授第二將張守
約以籌算且招且討有亡入夏國者三百戶充
又遣守約耀兵塞上夏人亟歸亡者條上勸賞
買馬之法騎馬頓增兵素玩恩充繩以法肅然
屢上取靈武之章四年六月暴卒高遵裕代之
西師乃困著奏議五卷邊說二卷藏于家

寶慶
四明

志

仇伯玉

元祐二年朝奉郎權同管勾陝西等路茶

馬事兼提舉買馬

長編四
百七

知邠州元符元年以

科配斛斗支錢留滯官吏降兩官

四百九
十九

王翰

浙江歸安人重和元年進士

陳易

字體常好學工詩熙甯初遊京師會太學秋

試諸生競求舉易以爲非已所學棄不就王安

石邀至相府一見不辭而去游廬山歸乃築室

于縣之蔡巖與同鄉學佛人有需者相親善

人或就見亦無忤也不葷不娶日惟一飯既而

需就南湖卓菴易自留寄煩山中香泉寺野服

角巾或經旬不食三十年不廢

福建
通志

卷之六
余幹 毘陵人元豐五年進士

商倚 元祐八年官太學博士與張文潛晁無咎鄧忠臣相倡和紹聖四年爲祕書省校書郎通判

保州建中靖國元年爲殿中侍御史

陳傳 字學圃廣東通志建安人皇祐五年進士福建通志

徐嘉言 浙江西安人宣和三年進士浙江通志嘉定中

温州州學教授薛浪語集三十五

卷之七

劉吉甫 江西安福人崇甯元年解試元符中累官

承務郎致仕坐元符末應詔上書言詆譏降官

賁遠小處監當

江西志

陳向

一作向

字邇中嚴州人嘉祐四年進士世家睦

州建德朝散大夫知楚州

三沈集

黃夷仲

名廉字夷仲南昌人山谷之叔嘉祐進士

歷任州縣擢利州路轉運判官遷司農丞爲監

察御史裏行河決曹村壞民田廬受詔安撫所

活二十五萬人元祐初爲戶部郎中改陝西轉

運使

楊損

案桂林冷水巖有楊損宣和六年題名距元

豐時已四十餘年且曾公巖石刻倡和詩亦無此篇恐桂勝誤收非損作也

彭次雲

名構字次雲建安人嘉祐元年進士

福建通志

權發遣廣南西路提點刑獄言朱厓昌化萬安軍僻在海島元屬生黎未嘗開通竊慮瓊州知州通判已往逐軍巡按臣若再往點檢或致黎蠻驚疑乞至瓊州計會知州通判分往點檢并海北州已巡歷外有六州未到及核按閱融桂州諸縣保丁乞依例差官點檢

長編三百二十

元祐三

年爲成都路轉運使

四百

旋以朝散郎吏部郎

中爲淮南轉運使

四百一十二年

徙京西路

四百一十五年

七年權發遣江淮荆浙等路發運使

四百一十七年

彭淵材

名几

瑞州府志

嘗獻樂書得協律郎

萬姓統譜

李彥弼

政和中奉議郎借緋魚袋通判桂州

廣西石刻

王仲修

字敏甫致子

米元章畫史

葉祖洽榜進士

樓攻媿集

七

熙甯八年著作佐郎爲崇文殿校理知禮院

元豐五年奉議郎館閣校勘同知祕院謁告往

淮南在揚州因燕會與女妓戲有踰違之實罰

銅二十劬

長編三百一十六

曾孝宗

晉江人公亮第二子孝寬弟也歷將作監

丞殿中丞轉比部員外郎

福建志

王仲甫

朝請大夫登聞檢院玠之子也玠坐與仲

甫姦大理評事石士端妻王氏放歸田里

長編三百

三十

盛次仲

開封人嘉祐六年進士

長編三百八十小注

元豐元

年知慈溪縣不畏強禦究心民事吏奉法而民

懷惠元祐元年同知樞密院安燾舉堪館閣之

選

長編三百八十八

十二月召試中選改校書郎

三百九十三

累官集賢校理

四百十九祕閣校理

彭城集

元符元年

大理少卿

長編五百

陳律

字宗禮歷知福清連江龍溪縣

八閩通志

饒竦

字異林熙甯中進士初與荆公善後隱居五

湖以終

江西詩徵

王邦憲

名吉甫字邦憲同州人舉明經練習法律

試斷刑入等爲大理評事累遷丞正刑部員外

郎大理少卿歷提點梓州路京畿刑獄開封少

尹知同邢漢三州以中大夫卒年七十宋史三

百三十有傳

王忠玉

案王岷字中玉見三十九卷誤分爲二

吳雍

元豐初太常博士權司農寺丞

長編三遺同

兩浙路提舉官講議設法催促結絕二百九十九

年以朝散郎守左司郎中三百三十五旋除直龍圖

閣河北路轉運使兼措置糴便三百三十七八年自

寶文閣待制爲戶部侍郎三百五十八元祐元年自

戶部侍郎爲天章閣待制知襄州從所乞也三百

十七

卷三十

舒煥 〇陵人東坡公客元祐八年以左朝散郎爲

校對祕書省黃本書籍紹興初通判熙州建炎

中猶在年九十卒

老學菴筆記

袁穀

字容直一字公濟舉進士一試于開封兩試

于鄉皆第一嘉祐六年中第博觀羣書擅名詞藻歷知邵武軍通判杭州其爲開封舉首也蘇文忠公軾實爲之亞及貳郡而軾爲守相得益驩唱酬篇什甚富移知處州終朝奉大夫贈光祿大夫有文集七十卷纂韻類一百卷

四明志

朱炎

浙江錢塘人慶歷六年進士

李士舉

名邦獻河陽人官至直數文閣藏有徽宗

賜雜禽圖徐熙牡丹董源著色山水

畫繼

王之望

漢濱集有和李士舉詩

葉集之 與惠洪唱和石門文字禪有次韻葉集之

同秀實放素道夫游北山會周氏書房五古一

首

王山 建州建安人大觀三年進士

王崇 四川眉州人慶歷中進士

方澤 字公悅莆田人多與黃山谷唱和山谷集有

呈方公悅詩熙甯八年爲大理寺丞旋除江西
路提舉常平蔡承禧言澤才識庸下緣呂惠卿
妻黨以違碍選人入條例司未及三二年不應
便有此除又言澤爲越州判司有不可言之穢

行爲人所訴幾欲成獄本州庇覆得免豈堪臨

長一路伏乞追寢除命送兩浙轉運使下越州

根究

長編二百六十七

又言聞大理寺丞方澤當呂卿

與鄭膺連結張若濟于秀州華亭縣姓朱姓湯

人借錢買田之時澤亦挾惠卿勢借錢數百緡

惠卿又以錢七百緡令姓王人販紗羅已納干

餘緡而惠卿責索無厭致自經死孤遺二子養

於澤家其人與澤是親緣此惠卿于眾親中力

爲薦舉遂得爲提舉官乞根究施行詔送根究

公事所

二百七十一

年詔提舉江南西路常平方

澤送審官院初澤奏請仍舊差三等人戶爲耆
長弓手免出役錢放罷見雇之人而司農寺言
免役行之累年具有成法澤之所請妄謬不知
守職故有是命二百八十五元符元年爲吏部郎中
編修都官條例司四百九十八

卷三十一

徐璠 建州建安人嘉祐六年進士

薛紹彭 累官祕閣修撰知梓潼路漕有翰墨名書史

呂由庚 開封人爲太常太祝宋史三百二十一曰

誨傳元豐中以瀛州防禦推官知陵川縣教養

兼行士民戶頌提刑學士黃公廉以詩寵之荆

府志

鄭景望 案鄭伯熊字景望見四十七卷誤分爲二

所引蒙齋筆談卽葉石林巖下放言改名偽造

令狐挺 仁宗時知秀州軍

周弁 字君儀甯海人嘉祐六年進士終宣教郎知

青陽縣後贈少師著有周少師集二十卷

赤城志

張冕 福建南劍州人治平四年進士

徐範 字彝父福建侯官人舉于鄉入太學趙丞相

去位祭酒李祥博士楊簡論救之俱被逐同舍

生議叩閣上書彝父亦署名韓侂胄大怒謂其
搖扇國是送五百里編管謫臨海禁錮十餘年
登嘉定元年進士授清江尉歷知邵武軍遷國
子監丞徙太常丞權都官郎官改祕書丞著作
郎起居郎兼國史編修實錄檢討以朝奉大夫
致仕卒贈朝請大夫集英殿修撰宋史有傳

晁元忠 能詩與黃山谷唱和山谷集有荅晁元忠
書云元忠足下因諸昆弟得足下之詩又云不
謂堯民卽以寄奉是元忠是字非名堯民則晁
端民之字見雞肋集晁氏諸端其著名者有端

中端友端仁端佐端受端國端肅端德端禮端
彥端義端智端京中字元升友字君成國字思
道禮字次膺智字祖禹彥字美叔京字大受惟
仁佐受肅德義六人之字無考元忠必居其一
惜無確證耳其爲鉅野晁氏文元曾孫則無疑
也

王觀國 政和九年進士簽書川陝節度判官以招
諭逋逃勞轉一官紹興初官左承務郎知汀州
甯化縣主管內勸農事兼兵馬監押累升祠部

郎中十四年爲李文會所劾出知邵州

繫年要錄

陳古 字與權泉州晉江人紹興九年中奉大夫

直徽猷閣知瀘州秦鳳提刑藏有黃筌牡丹馴

一 狸雪梅凍雀馬黃百雁百猿

畫繼苕溪集斐然集

王子思 名當字子思四川眉州人嘗舉進士不中

退居田野著春秋列國名臣傳五十卷元祐中

蘇轍以賢良方正薦廷對不避權貴策入四等

調龍游尉蔡京知成都舉爲學官不就遂不復

仕年七十二卒宋史四百三十二有傳

陳遠 浙江西安人宣和二年進士

宋翰 江西南昌人宣和二年進士

傅翼 字翼之江西南城人權弟熙甯中特奏名除
永豐令著有甘圃集

史沆 四川眉州人天聖年進士

李冲元 字元中與黃山谷洪龜父善山谷有招隱
詩及龍眠操三章寄贈山谷集蓋伯時族子入江

西幕者宋文鑑謝無逸詩

何泳 四川志誤作永 四川閬州人崇甯二年進士

范祥 字晉公邠州三水人進士及第仁宗時尚書
度支員外郎制置解鹽使贈銀青光祿大夫宋

史三百三有傳

蔡若水 泉州晉江人慶厯二年進士元豐二年知

建康軍

閻伯敏 字子功晉原人慶元初眉州別駕

石刻

閻孝忠 字資道汝陽人

蘭亭考卷七

建炎二年知淮甯

府直祕閣知蔡州金人自唐州北歸孝忠先遣

其家往西平依土豪翟冲以避寇而自聚軍民

守城金圍之數日城陷孝忠爲所執見其貌陋

而侏儒不知爲守臣乃命荷擔孝忠乘間奔西

陵金人旣去郡人詣部使者乞仍以孝忠權知

州從之

繫年要錄十三

查仲本

名密

興地紀勝



魯百能

安吉人元豐八年進士大觀初通判慶源

州領雲騎尉長於吏治兼工文藻嘗作望漢臺

銘慶源軍使廳續題名記爲世所稱歷知虔州

卒有文集三百餘卷

喻陟

字明仲睦州人

書譜

元祐元年官福建提點刑

獄

長編三百七十九

八年爲湖北轉運副使

四百八十

王純臣

虔城人官太常博士崇文院檢討日厯所

檢閱文字皇祐二年知亳州

事實類苑

通判岷州

樂城

集二 十七 至和元年以祠部員外郎祕閣校理通判

揚州其兄堯臣時爲樞密副使有以純臣多所

債遺上聞者故出之

長編一百七十六

范子正 名正明字子正官單州團練推官

忠宣集附錄

孫發 江西豐城人知永豐縣以母老致仕著有敷

山集

江西志

太史章 元符二年官天台知縣

赤城志

周之深 字德源官司業

湖州府志

司馬樞 元祐六年御試賢良方正直言極諫科初

考第五等覆考第四等賜同進士出身官河中

府司理參軍

長編四百六十六

馬昭 徽宗時任兩浙提點刑獄父仲甫宋史有傳

蔡安持 徽宗時任兩浙提點刑獄

李周 字純之馮翊人登進士調長安尉轉洪洞令

有善政神宗時以司馬光薦召至訪以禦邊之

術哲宗立累改集英殿修撰卒年八十四

宋史三百四十四

四 紹聖四年追貶賀州別駕崇甯三年入黨籍

楊仲良長編紀事本末

卷三十三

李錞 茂直之孫

高荷 歷官陝西漕屬燕山平獻凱歌除直龍圖閣
知涿州而終

卷三十四

林積 字公濟福建尤溪人慶歷六年進士累官知
吉州安福縣奏燬張嗣宗陽平治都功印轉太
常博士都官員外郎歷知齊州泗州江西轉運
判官徙廣南東路提刑知福州除淮南轉運使
元祐六年卒于官年七十一

演山集

劉發 四川遂州人元豐八年進士

四川通志

李才甫 與黃山谷唱和山谷集有和才甫先輩快

閣詩

王雍 旦子大名莘人國子博士宋史二百八十二

附旦傳

王澧 徽宗時閣門宣贊舍人

劉給諫集

田望 紹興初任廣東轉運

孫埃 徽宗時直龍圖閣知洪州宣和五年知廣州

軍

周沔 字朝宗蘇州人元祐二年進士

姑蘇志

李孝先 字介叔宣城人含章之子以蔭爲太廟齋

郎歷虞部員外郎改朝散郎賜三品服詩篆琴

棋並登妙品有柯山集十卷

宛陵蘇英集

許覺之 名彥先字覺之始與人天聖三年進士五

年梓州路轉運判官九年廣南東路轉運使奏言召募安南効用土人十人爲一保二十人爲

一大保具鄉貫來厯以防奸詐

長編二 熙甯十百十四

年官廣東提刑元豐二年國子博士坐孫純私

貨官錢降監吉州酒稅

二百九十六

王荆公集山谷

集有與覺之唱和詩

劉珪

熙甯五年官殿中丞詔分行各州與當職官

排定保甲

長編三百三十五

元祐三年以戶部郎中自

滑州移蘇州

姑蘇志

蔣璿

奉化人陳瓘在鄞與弟琬師之

鄞縣志

政和中

知長溪縣

福建志

知江陰縣忤蔡京自劾歸與潘

良貴唱和于三江亭上仕至朝議大夫

鄞縣志

周仲仁

案此詩影元本雲煙過眼錄作周種仁熟

作仲仁譌也

卷五十五

李元膺

早負才名詩句精巧蔡太師京深知之蔡

在翰苑因錫宴西池失腳落水幾至沒溺元膺

聞之笑曰蔡元長都溼子肚裏文章也蔡聞之

大怒卒不得召用而卒士論惜之曾慥高齋漫錄

楊道孚

四川人

畫繼

劉定

鄱陽人皇祐五年進士

江西通志

熙甯七年充秦

鳳路轉運判官八年詔提舉賑救飢民

長編二百五十

九 歷福建路體量安撫使檢正中書禮日房公

事屯田員外郎十年差通判衢州

二百口

元豐

二年以京東路轉運判官屯田員外權發遣河

北西路提點刑獄

二百九十八

三年權提點河北東

路刑獄

三百七

十年以祕閣校理同提舉保甲言

李甯久領保甲冒暑身亡乞賜殮恤

三百四十六元

祐初以朝奉大夫集賢校理管勾鴻慶宮三年

知臨江軍

四百一十一

紹聖末以朝請大夫充集賢殿

修撰知陳州元符元年爲寶文閣待制移知青

州已而御史蔡蹈論定老病凋殘義當賜玦遂

罷

四百九十五

二年復以朝議大夫集賢殿修撰差

知江甯府鄒浩論定前知陳州貪污不法遂改

廬州

四百九十

晉集賢學士

江西志

劉彥祖

宣和中朝請大夫知撫州

江西通志

陳肅

江西南城人天聖五年進士歷官豐城令

江西志

通志

翁緯

莆田人景德二年進士知新會縣

福建志

著有

翁氏父子詩孫覺爲之序

莆陽比事

林子來

名敏修見卷十三誤分爲二人

章造

福建建安人天聖八年進士

胡融

字小淪號四朝老農

天台續集

程之邵

字懿叔四川眉州人以父蔭爲新繁主簿

徽宗朝官顯謨閣待制轉大中大夫不及拜卒

贈龍圖閣直學士宋史三百五十三有傳

卷三十六

徐文

元祐時與山谷唱和山谷集有次韻徐文將

至國門見寄二首按山谷詩中有槐催舉子著
黃花之句蓋是歲秋試元祐二年也

卷三十七

宋京 字宏父四川雙流人崇甯五年進士累官至

戶部員外郎大府少卿知邠州

竹隱畸士集

徐適 甌甯人崇甯五年特奏名官至祕書省校書

郎直祕閣

侯彭老 湖南衡山人建中靖國時以太學生上書

得罪詔歸本貫編管登崇觀末進士與譚世勳
同榜紹興三年知滕州言本州賣鹽寬剩錢一

萬貫買到金百六十餘兩銀一千八百兩投進

詔云縱有寬剩合歸有司非守臣所得進納或

恐別有割剝取媚朝廷降一官放罷弟延慶政

和六年進士著退齋集

清波雜志老學叢談揮麈錄趙希弁讀書雜誌

周彥質 字文之浙江江山人熙甯六年進士紹聖

閒知循州徽宗時任兩浙提點刑獄

王漢 大中祥符年知潮州軍

卷三十九

張正己 仁宗時岳州平江縣大理寺丞致仕

劉敞公是

集外制
宋文鑑

白子儀 與范鎮友善東齋紀事多引其說

楊齊 四川眉州人嘉祐中進士

趙企 南陵人神宗朝舉進士歷員外郎

王震

字子發

萍洲可談

文正公旦之曾孫鞏之姪

聞見近錄

熙甯初興平縣尉六年爲中書習學公事

長編二百

四十

元豐三年檢正禮房公事

三百九

四年編修

諸路學制言郡國之吏狃于故常錢穀簿書實知從事受法之始惟在推行恐非俗吏所能通辦願自朝廷選可使者分行諸路措置大畧然後授成法于部使者郡太守則法行而通無復

抵牾矣詔候法成取旨

三百

五年試右司員外

郎

三百

兼權提轄拘催市易司物

三百

爲起居

舍人

三百

六年承議郎試中書舍人八年充

北朝禮信使

三百

旋爲給事中御史王巖叟

論震本無科名偶因銓試得進士出身因緣附

會驟致華顯前歲將命西邊多受餽遺事母不

孝俸祿之入盡歸其妻飲食衣服皆限量以給

其母

三百

元祐初以龍圖待制知河中府四

年移知鄭州

四百

復移陝州八年移知永興

軍

四百

紹聖二年責知袁州行至蘄水疽發

背卒年五十可談

鄭滋 字德象福州人靖康元年以朝奉大夫充徽

猷待制知湖州軍睦州軍改任蘇州建炎元年

七月罷紹興十七年三月以顯謨閣直學士左

中大夫再任蘇州十八年五月改知建康姑蘇志

楊景 字如晦穎昌人嘗為洛陽工曹陳簡齋集有

謝楊工曹詩

朱粹 江南宣城人治平年進士

杜子民 崇甯元年七月朝散郎驍騎尉通判常州

軍州事咸清毘陵志卷九

卷四十九

郭弈

政和末知瓊州

廣東通志

卷四十九

李保

江西廬陵人宣和五年解試

元勛

與惠洪唱和惠洪有和元府判游山句送元

不伐赴天府儀曹詩曰元侯汝穎奇

曾續

南豐人肇子

曾繹

南豐人布子

王洋

胸山人繫年要錄

李長民

台州守景淵之子宣和元年舉博學宏詞

祕書省正字紹興元年以左宣議郎知漳州歷

任兩浙撫諭使

卷四十一

王晞韓 字唐卿

詹度 字安世縉雲人政和初知真州蒞任未幾深

知民隱以課最璽書褒之加直龍圖閣

處州府志

鄭強 字南美崇甯五年進士宣和中知萍鄉縣虞

溪水漲築隄障之名鄭公陂郡人立祠以祀紹

興二年知汀州

八閩通志

李處權 知衢州者處權之弟處勸也厲誤案處權

于紹興二十五年卒于荊州年七十餘

松菴集

趙季西 名岍西安人怵弟揚之子紹聖四年項城

尉大觀二年通直郎權潭州通判累知襄陽府

建炎元年以奉直大夫福建路轉運使徙知平

江府轉中奉大夫

老學菴筆記參姑蘇志南嶽總勝集仁壽縣君蘇氏墓誌

連南夫 字鵬舉湖北安陸人政和二年上舍釋褐

福建通志授穎州司理參軍移鼎州教授調澧陽尉

歷襄邑主簿虔州教授未赴除辟雍正禮制局

檢討補御前文籍遂爲校書郎

南淵甲乙稿連公墓碑宣

和五年假太常少卿爲金接伴使六年正月爲

伴送金賀正旦使尋爲金國祭奠弔慰使

記事本末

一百四十四使歸卽爲上言敵好不可保乞斬貫延

慶以謝天下徽宗大駭盡以所論付樞密宣撫司而攸貫之徒皆切齒始連夫已道遷祕書郎既遷起居舍人七年遂拜中書舍人言者觀望貫攸意抵爲不職除右文殿修撰知慶源府改濠州靖康元年講和赦下論敵情十患願因諸道之兵未遣亟擊之二年進徽猷閣待制建炎登極上書祈幸關中畫捍禦策四十條其論甚壯

墓碑

三年四月擢顯謨閣學士知建康府

要錄二十

二 六月兼建康府宣徽太平州廣德軍制置使

要錄二 改知饒州 要錄 以疾得請臨安府洞霄官

十四 紹興初移知泉州在泉二年以寶文閣學

甲乙 士提舉江州太平觀 要錄八 六年五月起爲寶

文閣學士知廣州旋兼廣東經略安撫使嶺南

水陸盜賊平定詔書獎諭遷官一等番禺之人

立祀作碑以紀其績 甲乙 尋乞祠八年十一月

提舉江州太平觀 一百廿三 連夫之帥廣州也右宣

教郎杜巖以杜充故送廣州居住及後赦下巖

請自便南夫遽釋之及金人索杜充子孫之在

補正二
南者帥臣陳橐以聞南夫坐奪職要錄隱于連州

龍溪尚書峯之麓紹興十三年卒年五十八著

有奏議三十篇文集二十卷甲乙稿

墓碑

范公偁 忠宣公第三子正思之孫直方之子見儀

願堂題跋

崔子方 東川布衣治春秋紹聖閒三上疏乞置博

士不報乃隱居真州六合縣剛介有守雖衣食

不足而志氣裕然杜門著書三十餘年而死兵

部員外郎江端友請下湖州取子方所著春秋

傳藏于祕書監從之

繫年要錄十六

張茂宗 名旒字茂宗京洛人紹聖中戎州通判景
儉之孫司馬公休之妻弟黃山谷貶黔南茂宗
好事尚文待之頗厚山谷集有與黔倅張茂宗

詩山谷年譜
二十七

張彥智 名纘字彥智丹徒人後徙金壇少與詩僧
仲殊唱酬蘇軾見而稱之以祖太常少卿子方
蔭入仕爲宿州臨渙尉亳州永城丞建康軍節
度推官改秩知建平縣溧陽縣權知和州除直
祕閣淮南西路提刑改知揚州紹興改元知建

康府

京口耆
舊傳

男樹屏校字